


[www.BibleForChildren.org](http://www.BibleForChildren.org)




# Genesis 6




Pa inge sramsram kacil Noah  
ac fwilin tulik natul. Noah el  
moul in sie sin sie yurin God,  
ac el mukena moul suwohs ac  
wangin mwatal inmasrlon mwet  
nukewa in fwil lal. God El liye l  
ah faclu arulana


kolukla, mweyen  
moul lun mwet  
nukewa  
arulana koluk.



God El fahk nu sel Noah, “Nga wotela tari ngan kunausla mwet nukewa. Nga ac sukelosla nufon, mweyen faclu sessesla ke orekma koluk lalos. Musaela soko oak ah okom ke sak na wowo. Orala kutu fukil an loac, ac sroalela acn loac ac acn lik ke tar.”




“Oru in fit  
angfoko lumngaul  
lusa, fit itngoul limekosr  
sralapa, ac fit angngaul  
limekosr fulata.”




“Us kain in mwe mongo  
nukewa in wi kom, ma ac  
fal nu sum ac nu selos.”




Kom fah use kais lukwa ke kain in ma orakrak nukewa  
nu in oak uh, mukul se mutan se, in wi kom moulla.




Us kais itkosr  
sianyan ke kain in  
kosro ma nasnas in wi  
kom, tusruktu kais  
lukwa na ke kain kosro  
saya ma tia nasnas.






El, mutan kial, wen  
natul ac mutan kialos  
sroang nu in oak uh in  
kaingla liki sronot uh.





Ke Noah el yac onfoko matwal,  
in len se aksingoul itkosr ke malem  
se akluo, unon in kof nukewa ke kof  
lulap ye faclu fokelik ac kof uh asrma,  
ac ikakelik inkusrao pac, . . .






. . . ac af uh kahk nu fin faclu ke  
len angngal ac fong angngaul.




Kof uh loali, na oak ah  
pahtpat fin kof uh.




Lapak nwe eol ma fulat oemeet uh afla pac.  
Ma nukewa ma oasr momong la fin faclu misa.




God El tia mulkunulla Noah ac kosro  
nukewa ma welul in oak uh. El oru tuh  
sie eng in tuhyak, ac kof uh mutawauk  
in folok nu ten.






Tukun len angngaul Noah  
el ikasla winto se Ke won  
sac tiana foloko, Noah el  
supwala pac wuleoa se in  
liye lah sronot uh mwesla ku  
tia, a ke sripen kof uh srakna  
afunla acn uh, wuleoa sac  
tiana konauk acn elan  
tuhwi we.




Ke len se aklongoul itkosr in malem se akluo, faclu  
paola na pwaye. God El fahk nu sel Noah,  
“Oatui liki oak an wi mutan kiom, wen  
nutum, ac mutan kialos.”



Noah el musaela loang se nu sin LEUM GOD.  
El eis kais soko ke  
kain kosro ac won  
nasnas, ac fonna  
esukak tuh in mwe  
kisa fin loang uh.





Pa inge mwe  
akpwaye nu ke  
wuleang kawil se  
su nga oru yuruwos  
ac yurin ma moul  
nukewa inge, nga filiya  
lelakem luk in pukunyeng uh.

Ac fah mwe akul ke  
wuleang se inmasrlok  
ac faclu nufon  
nwe tok.




Kutena pacl ma  
nga afinya kusrao  
ke pukunyeng ac  
lelakem uh sikyak,  
nga fah esam wuleang  
luk nu suwos ac nu sin  
kosro nukewa, lah sronot

ac fah tia sifil  
kunausla ma nukewa  
ma oasr moul la.



God El akinsewowoyal  
Noah ac wen tolu natul, ac fahk,  
“Kowos isusi, tuh fwilin tulik  
nutuwos fah puseni ac nwakla faclu  
nufon.” Wen tolu natul Noah su  
tufoki liki oak uh pa Shem,  
Ham, ac Japheth. (Ham  
pa papa tumal

Canaan.) Wen tolu  
natul Noah inge pa papa  
tumun mwet faclu nufon.



Tuh God El lungse faclu ouinge: El  
ase Wen sefanna natul, tuh elos  
nukewa su lulalfongi in el fah tia  
misa, a elos fah eis  
moul ma pahtpat.



Rome 3:23

mwet nukewa orekma koluk, ac elos nukewa tia sun lupan  
wolana se ma God El akoo nu selos.

Rome 6:23

Tuh molin ma koluk pa misa; a mwe kite lun God pa mou  
ma pahtpat yurin Christ Jesus Leum lasr.

Hebrew 9:27

Oakiyuki tuh kais sie mwet in misa pacl se, na toko elos fah  
nununkeyuk sin God.



Ephesus 2:8,9

Tuh ke lungkulang lun God, kowos moliyukla ke lulalfongi.  
Tia ma kowos sifacna oru, a mwe kite sin God me.  
Ke sripen tia ma ke orekma lun mwet, na wangin  
mwet in ku in konkin kac.

Rome 10:9,10

Kom fin fahkak lemtulauk lah Jesus el Leum, ac lulalfongi  
ku lah God El akmoulyalak liki misa, kom ac fah moulla.  
Tuh ke lulalfongi lasr kut aksuwosyeyuk yurin God,  
ac kut eis moul ke sripen fahkak lasr.



John 3:16,17

Tuh God El lungse faclu ouinge: El ase Wen sefanna natul, tuh elos nukewa su lulalfongi in el fah tia misa, a elos fah eis moul ma pahtpat. Tuh God El tia supwama Wen natul in tuh nununku faclu, a tuh faclu in eis moul kacl.

Sie John 5:11-13

Pa inge ma loh lun God: God El ase nu sesr moul ma pahtpat, ac kut eis moul se inge sin Wen natul. Kutena mwet su Wen el oasr yorol, oasr moul in el. Kutena mwet su Wen nutin God el tia oasr yorol, wangin moul in el. Nga simis ma inge nu suwos, tuh kowos fah etu lah moul ma pahtpat oasr yuruwos — aok, kowos su lulalfongi ke inen Wen nutin God.



# Genesis 6 – 10

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Kosraean Bible (kos)

This text is in the Public Domain due to copyright expiration.

<https://www.bible.com/en-GB/bible/3004/GEN.1.KOS>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

